

vadi alozar in brexana, che disè vu?» Il Provedador rispose non poteva proveder ni prometer quello che non poteva atender. Li disse « fate bene a non prometer per non atender, perchè non si vol altro, se non quello se pol ». Per tanto suplica la Signoria se risolvi. Il Governador restò a disnar con Lutrech, qual poi andò dal Provedador, dicendo non havia potuto parlar zercha questo, perchè li era monsignor di San Polo. Scrive, in li coloqui con Lutrech, li disse: « Vi avè vu risolto de far passar le vostre zente d'arme tutte de qua et restrenzervi? », et dimandò quanti fanti havevemo. El Governador li disse da zercha 6000 pagati. Soa excellentia rispose: « Con questi 6000 fanti et 4000 di mei, et le zente d'arme haveremo, vojo aspetar 12 mila fanti nimici ». Scrive, quel alozamento è molto forte e lo ha ben fortifichato. Hor il Governador tornato, disseli a esso Provedador bisogna risolversi, perchè certo questi francesi presto si leverano, e disse hanno gran torto a farlo, ruinerano el territorio brexan, è meio darli e stagi sul veronese. *Item*, scrive ha fato pagar li nostri fanti, resta *solum* alcuni *ut in litteris*, potrà esser da ducati 3000, e quello resta aver francesi di 4000, sichè ducati 10 mila compirà la paga. *Item*, manda la lista di cavali lizieri di quelli sono di là e di qua de l'Adexe. *Item* manca pagar Gabriel da Martinengo con fanti 200, quelli di Bozolo et todeschi. *Item*, si mandi danari, li thesorieri francesi lo molesta. *Item*, ha ricevuto lettere con la copia di la letera di sier Zuan Vituri provedador di cavalli lizieri, lauda il suo discorso etc.

*Dil provedador Gradenigo di Albarè, fo etiam lettere di 21, de occurrentiis.*

129 *A dì 23. Domenega. La matina fo lettere di sier Marin Bon avogador extraordinario, da . . . . .* Come havia fato cargar cara 150 di formento di le ville e lochi dil visentin, et mandato a Vizenza, et feva ogni provision che formenti non fosseno portati in Verona; ma non poteva trovar chi ne avesse portato.

In questa matina fo in Colegio Alexandro Donado di sier Piero, qual fo nostro condutier, poi easso, *tamen* serve in campo a soe spese, et referi con li Cai di X alcune cosse.

Da poi disnar, fo Gran Consejo, et trovato ducati . . . . .

*Scurtinio di Podestà et capitano a Mestre.*

Sier Nicolò Morexini di sier Zacharia da San Zane nuovo, ducati 200, e il don,

et ducati 100 dona de l'imprestedo di suo padre, qual padre oferse . . . . .	20.72
Sier Alvise Baxadona, el XL zivil, qu. sier Alvise, el qual, oltra ducati 200 prestò per XL, oferisse ducati 400, di qual portò ducati. . . . .	50.52
Sier Gabriel Barbo, è podestà a Castelfranco, qu. sier Pantalon, ducati 200 e il don . . . . .	16.86
† Sier Gasparo da Canal, fo XL zivil, di sier Christofolo qu. sier Luca, el qual oltra ducati 100 prestò et 50 donò per castelan a Corfù, oferisse ducati 500 e dona il don, e promete portarli prontamente . . . . .	78.24
Sier Lorenzo da Leze, el XL zivil, qu. sier Jacomo, ducati 300 e il don. . . . .	32.63
Sier Marco Dandolo, fo XL zivil, qu. sier Polo, portò ducati 400 e il don. . . . .	55.47
Sier Antonio Venier, fo Cao di XL, qu. sier Zuane . . . . .	26.75
Sier Piero Orio, el XL zivil, di sier Bernardin el cavalier qu. sier Piero, qual, oltra ducati . . . . . prestò per XL, oferisse ducati 300 e il don, et è contento si fazi camerlengo a Napoli di Romania in loco suo . . . . .	46.56
Sier Zuan Arimondo, fo Cinque di la Paxe, qu. sier Zorzi, ducati 300 e il don, di qual 200 è in la partida dil banco di Pixani . . . . .	26.76
Sier Zuan Alvise Dolfin, fo XL zivil, qu. sier Andrea, ducati 300 e il don . . . . .	40.62
Sier Luca da cha' da Pexaro, fo auditor vechio, qu. sier Alvise qu. sier Luca procurator, el qual, oltra ducati 300 prestò per Justicia nuova dove el non rimase, oferisse ducati 300, di qual portò ducati 200 e il don . . . . .	37.64
Sier Francesco Bolani, fo Cao di XL, qu. sier Domenego, el qual, oltra ducati 200 prestò per XL, oferisse ducati 300 e il don . . . . .	41.63
Sier Hetor Donado, el XL, qu. sier Piero, qual, oltra ducati . . . . . prestò per XL, oferisse ducati 400 e dona il don . . . . .	58.41
<i>Un Provedador al Sal.</i>	
Sier Mathio Alberto, è di Pregadi, qu. sier Antonio, ducati 300 e il don . . . . .	48.53